

REFERAT MAA - Meeqqanut Atuarfeqarnermullu Ataatsimiititaq d. 27-10-2021

Mødedato Onsdag d. 27. oktober 2021 kl. 18:00

Mødested Kommunalbestyrelsesip ataatsimiittarfia

Indholdsfortegnelse

| | |
|--|----|
| Saqqaa..... | 3 |
| Oqaluuserisassat akuerineqarneri..... | 4 |
| Nalunaarutit..... | 5 |
| Meeqquerivinnut utaqqisut allattorsimaffii pillugit ilisimatitsissut..... | 6 |
| Nuussuup Atuarfiani nakkutilliineq pillugu nalunaarusiaq..... | 10 |
| Meeqquerivimmi nutaami Maliup eqqaani meeraaqquerivimmi inissanik tulleriarineq..... | 14 |
| Oqaluuserisassanut tapiliussaq: 2022-mi politikkikkut ataatsimiiffissat..... | 17 |
| Imaqarniliap akuerineqarnera..... | 19 |

Punkt .: Saqqaa

Ilaasortat

Juaaka Lyberth (IA)
Poul Petersen (D)
Emanuel Nûko (N)
Mia Skifte Lynge (IA)
Dorthe-Marie Mogensen-Fontain (S)

Beslutning

Peqataasut:

Poul Petersen (D)
Lone Rosengreen Pedersen (IA)
Mia Skifte Lynge (IA)

Oqarasuaatikkut:

Dorthe-Marie Mogenesen-Fontain (S)

Ataatsimeeqataasinnaanatik nalunaartut:

Juaaka Lyberth (IA) peqataasinnaanani nalunaarnikuuvoq.
Sinniisoq Lone Rosengreen Pedersen (IA) aggersarneqarpoq peqataallunilu.
Emanuel Nuko (N) peqataasinnaanani nalunaarnikuuvoq.
Sinniisoq Ken Madsen (N) aggersarneqarpoq. Peqataasinnaanani nalunaarpoq.

Punkt .: Oqaluserisassat akuerineqarneri

Beslutning

Oqaluserisassat akuersissutigineqarput.

Punkt .: Nalunaarutit

Beslutning

2a. Siulittaasumiit nalunaarutit:

Nuummi atuarfiit pingasut skolebestyrelsimut qinersinissamut kinguartitinissartik kissaatigisimavaat.

2b. Ingerlatsivimmiit nalunaarutit:

Soqanngilaq.

Punkt 1: Meeqquerivinnut utaqqisut allattorsimaffii pillugit ilisimatitsissut

Beslutning

Ilisimatitsissut tusaatissatut tiguneqarpoq, suliarlu Aningaasaqarnermut Inuussutissarsiornermullu Ataatsimiititaliamut kiisalu Kommunalbestyrelsimut ilisimatitsissutitut ingerlateqqinneqarluni.

Meeqquerivinnut utaqqisut allattorsimaffii pillugit ilisimatitsissut

Ilisimatitsissut

SagsID.: EMN-2021-11611

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut ilisimatitsissutit ingerlateqqinneqassasoq

Suliassamik saqqummiussineq

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersumi § 8, imm. 3 naapertorlugu qinnuteqartut tamarmik kommunimi meeqqerivinni aamma angerlarsimaffimmi paarsisartuni inissaqanngippata kommunalbestyrelse utaqqisut allattorsimaffianik pilersitsinissaq pisussaaffigaa.

Kommunimi utaqqisut allattorsimaffiisa kvartalit pingajuanni 2021-imi septembarip 14-ianni killiffiat tassaavoq, kommune tamakkerlugu meeqqerivinnut, angerlarsimaffimmi paarsisartunut aammalu atuartut sunngiffimmi ornittagaannut meeqqat 230-t utaqqisuutigineqarput (AKO/FRO). Meeqqat 230-t katinnerannit Nuummi utaqqisut allattorsimaffianniittut amerlanerpaajupput. Nuummi meeqqat 211-t utaqqisuutigineqarput, tassalu kommune tamakkerlugu utaqqisut 92%-iisa amerlaqataat.

Tabeli 1: Septembarip 14-ianni 2021-imi utaqqisut allattorsimaffii imatut isikkoqarput

| Sted / Sumiiffik | Meeraaqqerivii t | Meeqqeriviit | AKO/FRO | Atuarfinni paaqqinniffiit | Ulluunerani paaqqinnittarfiit/Init pinnguarterfiit | Katillugit |
|-------------------|---------------------|--------------|-----------|------------------------------|--|------------|
| Nuuk | 165 | 23 | 20 | | 3 | 211 |
| Paamiut | 1 | 0 | | 0 | | 1 |
| Tasiilaq | 4 | 2 | | 5 | 0 | 11 |
| Ittoqortoormiit | 4 | 0 | | 0 | | 4 |
| Kapisillit | | | | | 0 | 0 |
| Qeqertarsuatsiaat | | | | 0 | 0 | 0 |
| Arsuk | | | | | 0 | 0 |
| Kulusuk | | | | | 1 | 1 |
| Tiilerilaaq | | | | | 0 | 0 |
| Kuummiit | | | | | 0 | 0 |
| Sermiligaaq | | | | | 2 | 2 |
| Isertoq | | | | | 0 | 0 |
| Katillugit | 174 | 25 | 20 | 5 | 6 | 230 |



Nuummi meeqqat 211-t utaqquisut allattorsimaffianniittuutigineqartunit, meeqqanit taakkunanga 165-it meeraaqqerivinnut utaqquisuutigineqarput.

Utaqqisut allattorsimaffianni amerlanerpaat tullianiihpput meeqperivinnut utaqquisuutigineqartut, taakkununga kommune tamakkerlugu 25-it utaqquisuutigineqarmata.

Nuup avataatigut kommunimi meeqqat utaqquisuutigineqartut killeqarput, taamaakkaluartoq meeqqat Tasiilami paaqqinnittarfinnut assigiinngitsunut utaqquisuutigineqartut aqqaniliupput.

Meeraaqqerivinnut utaqquisut tamaasa eqqarsaatigalugit utaqquisut allattorsimaffii allaaserineqassappata, ingerlatsiviup siullermik erseqqissaatigissavaa, utaqquisut allattorsimaffiini allatsissimasut amerlassusaat ukiumiit ukiumut aammalu ukiup qanoq ilineraniit ukiup qanoq ilineranut allanngorarsinnaasarmata. Ataatsimut isigalugu, Nuummi utaqquisut allattorsimaffii septembarimiit meeqqat atualinnginnerminni AKO-nut nuukkiartornerat ilanngullugu ukiup tulliani marsi/apriilimut amerlanerusarput.

Utaqqisut allattorsimaffiini aamma imaattarpoq, arlalinnik akimmiffissaqalersarnera. Tamanna pisarpoq, meeraaqqerivimmi meeraq ataaseq arlallilluunniit, meeqperivimmut nuunnissamut piareersimasut, kisiannili meeqperivimmi meeraaqqerivimmiittuutitut akiliunneqarluni inissanik peqanngitsillugu. Assersuutigalugu meeqperivimmi inissaqalerpat, meeqqat meeraaqqerivimmiittut, meeraaqqerivinnut utaqquisuniittut inissaannik pissarsisarput.

Tamatuma saniatigut Meeqqanut Atuarfeqarnermullu Ingerlatsiviup pissutsit assigiinngitsut eqqaasinnaavai, pingaartumik Nuummi meeraaqqerivinnut inissamik utaqquisut allattorsimaffiisa sooq taamatut isikkoqarnerannik nassuiaatigineqarsinnaasunik. Tamakkua pissutsinut makkununga attuumassuteqarsinnaapput:

- Illoqarfinit, nunaqarfinit, kommuninit nunanillu allaniit Nuummut nutserarnek, aammalu ilinniagaqareernerup kingorna Nuummut angerlaqqittarnerit. Tassunga ilanngullugu illoqarfiup inuttusiartornera tamaat isigalugu.
- Meeqqat 41-t maannakut meeraaqqerivimmiilernissaminnut suli nukangavallaartut, utaqquisulli allattorsimaffiannut allatsereersimasut.
- Meeqperivinnut inissat 26-nik ikinnerusut, ulluunerani neqeroorutit tallimat nutaanut marlunnut ataatsimoortilernissaannik peqquteqartumik. Taamaasillutik meeraaqqerivimmiittut 26-it meeqperivimmiilernissaminnut utaqqipput.

Meeqqanut Atuarfeqarnermullu Ingerlatsiviup utaqquisut allattorsimaffii qaammatikkaartumik malinnaaffigisarpai, utaqquisulli allattorsimaffiini allatsissimasut ikilisartuarnissaat ataavartumik sulissutigisarlugu, pingaartumik Nuummi meeraaqqerivinni inissanut ulluunerani neqeroorutitut tunngasortaa. Tamanna ilaatigut makkuninnga suliaqarnikkut pisarpoq:

- Ukioqatigiinngitsunut meeqperivinnik marlunnik sanatitsineq, siulleg februaari 2022-mi naammassissangatinneqartoq, aappaalu aggustimi ukioq taanna naammassissangatinneqarluni. Aamma tassani Kommunalbestyrelsimut qinnuteqaatigineqarnikuuvoq meeqperivinni taakkunani meeqqat amerlassusissaannik allannguisoqarnissaa, taamaasilluni meeraaqqerivinni inissanik amerlanerusunik meeqperivinni inissanut taarsiullugu pissarsisoqarniassammat.



- Paaqqinnittarfiit assigiinngitsut akornanni nuuttarnerit (meeqperivik, AKO aamma FRO) januaarimi/februaarimi qaammatit marsimi/apriilimilu taarsiullugit, soorlu ukiut siuliini taamaassimasoq. Tamatuma kingunerisaanik meeqqat utaqqisut allattorsimaffianniitineqartut sivikinnerusumik utaqqisalissapput, ukiumi siusinnerusukkut nuuttussanngortassammata.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitalit

- o Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq

Ilanngussa

Soqanngilaq.

Punkt 2: Nuussuup Atuarfiani nakkutilliineq pillugu nalunaarussiaq

Beslutning

Ilisimatitsissut tusaatissatut tiguneqarpoq, suliarlu Aningaasaqarnermut Inuussutissarsiornermullu Ataatsimiititaliamut kiisalu Kommunalbestyrelsimut ilisimatitsissutitut ingerlateqqinneqarluni.

Bilag

Atuarfik Ukaliusaq pillugu nakkutilliinermi nalunaarussiaq



Nuussuup Atuarfiani nakkutilliineq pillugu nalunaarussiaq

Ilisimatitsissut

SagsID.: EMN-2021-14656

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- Nuussuup Atuarfia pillugu nakkutilliinermi nalunaarussiaq tusaatissatut tiguneqassasoq
- suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Atuarfik pillugu Inatsisartut inatsisaat nr. 15, 3. decembari 2012-imeersoq § 43 naapertorlugu Kommunalbestyrelse ataavartumik atuarfiit ingerlanneqarnerannik nakkutilliisussaataavoq. Meeqqanut Atuarfeqarnermullu Ingerlatsivimmi Atuarfeqarnermut immikkoortortap kommunip atuarfiini ukiumut ataasiarluni nakkutilliartortarnissaq siunniunnikuuaa.

Ulloq 5. februaarip 2021 Atuarfeqarnermut Immikkoortortaq Nuussuup Atuarfianut siumut ilimasaareqqaarluni nakkutilliartorpoq.

Atuarfik katillugit 324-nik nalinginnaasumik klassini 16-ini kiisalu immikkut ittumik klassinut arfineq-pingasunut agguataakkanik, atuartoqarpoq. Klassinik amerlassusiliineq malillugu nalinginnaasumik klassit 17-usinnaapput, nalinginnaasumik klassini atuartut 13 kiisalu immikkut ittumik klassini atuartut 6,25-upput. Atuarfik aamma ataasiakkaanik atuartunik tikeraartunik peqarpoq. Taakkua saniatigut Ulloq Naallugu Atuarfik Nuussuup Atuarfianit ataqatigiissarneqarpoq. Ulloq Naallugu Atuarfik atuarfiup immikkut isumaginninnermi perorsaanermt immikkoortortarivaa.

Atuarfik atuarfimmi pisortamik ataatsimik, pisortap tullianik ataatsimik kiisalu immikkoortoqarfinni aqutsisunik 3-nik aqunneqarpoq. Atuarfimmi sulisut, ilinniartitsisut aamma aqutsisut tamakkiisumik sulisut katillugit 53-inik amerlassusiligaapput. Tamatuma saniatigut atuarfiup siulersuisuinik aamma elevrådinik peqarpoq.

Atuartitsinermt piffissamut tunngatillugu atuarfeqarnermt inatsimmi atuartunut nalinginnaasunut aamma immikkut ittumik klassinut piumasaqaatit minnerpaamik malinneqarput. Taamaattorli Ulloq Naallugu Atuarfimmi klassit nalinginnaasumik immikkut ittumik klassinut allangortinneqarnissaat atuarfiup toqqarsimavaa. Tamannali anguniakkamut akerliummat, tassa Ulloq Naallugu Atuarfiup atuarfimmi immikkut isumaginninnermi perorsaanermt immikkoortorissagaa, Atuarfinnut Immikkoortoqarfimmit erseqqissaassutigineqarpoq immikkut ittumik atuartitsinerup aaqqissuunneqarnera, Ulloq Naallugu Atuarfik ilanngullugu, siunissami Ilinniartitsisunik pisariaqartitsinerup misissoqqissaarneqarneranut atatillugu, Atuarfinnut Immikkoortoqarfimmit ilusiliunneqartoq malinneqartassaaq.

Atuarfinnut Immikkoortoqarfimmiit ilanngullugu oqaatigineqarpoq, ukiumi atuarfusumi 2020/2021 atuarfimmi ilinniartitsisut 1964,38 tiiminik atuinerusimasut. Tassani atuarfinni aqutsisut akunnerit



atugassat/tunniunneqartut ukiumi atuarfiusumi matumani 2021/2022-mi qaangerneqanngissaat immikkut eqqumaffiginiassagaat Atuarfinnut Immikkoortoqarfimmiit maluginiaqquneqarpoq.

Nuussuup Atuarfiani sapaatip akunneranut, semesterimut, ukiumut pilersaarutit pilersaarusiornermut aamma atuartitsinerup sammisassallu aaqqissuunneqarnerinut atorneqartarput. Taakkua ilinniartitsisunit suliarineqartarput atuarfiullu intranettianut ivertinneqartarput, angajoqqaanit atuartunillu aamma takuneqarsinnaasunngorlugit.

Atuartut atuanngitsoorneri assammik protokolinit nalunaarsorneqartarput, atuarfiulli Atuarfik Hans Lynge (AHL) suleqatigilerpaa, tassani AHL-ip atuarfik atuartut atuanngitsoornerinik elektroniskimik atortumik Tabulex-TEA-mik nalunaarsuisarnissaanik ikiussavaa. Ukiumi matumani atuarfiusumi 2021/2022 atuartut atuanngitsoortarnerisa tassani nalunaarsorneqartarnissaat anguniagaavoq. Naak atuarfiup Skoleintra atorlugu angajoqqaanut meeqqat atuanngitsoortarnerinik nalunaarutiginnittaraluartoq, nakkutilliaratornermit maluginiarneqarpoq ilinniartitsisut namminneq mobiltelefonitik atorlugit aamma nalunaarutiginnittartut. Tassani Atuarfinnut Immikkoortoqarfimmiit ilisimatitsissutigineqarpoq ilinniartitsisut tamarmik namminneq telefonitik taamatut atortassanngikkaat, kisiannili Skoleintra suli atortassagaat imaluunniit periarfissatut allatut atuarfiup sulinermut atatillugu telefonia atorneqartassasoq.

Atuartut fagini takutitaat angusaallu eqqarsaatigalugit, atuarfiup aqutsisuinit erseqqissarneqarpoq angusat, pingaartumik trinnini misilitsinnerni, naammagisimaarneqartut. Fagini tamani atuartut illersorneqarsinnaasumik naammassisaqarnerat ataatsimut akunnattumiit pitsaaneruvoq (50-60 %-it akornanniilluni) 3. aamma 7. klassini, kisianni 7. klassimi matematik pinnagu. Erseqqissarneqarsinnaavoq, illersorneqarsinnaasumik naammassisaqarneq 3. klassini, fagi danskimi agguaqatigiissillugu 74 %-iuvoq aamma 7. klassimi illersorneqarsinnaasumik naammassisaqarneq fagimi engelskimi 63 %-iulluni.

Atuarfimmi aqutsisunit anguniarneqarpoq siunissami 3. aamma 7. klassini trinnini misiliinermi illersorneqarsinnaasumik naammassisaqarneq fagini tamani 75%-iunissaa pillugu.

Atuartut soraarummernerminni ilinniartitsissutigineqartunik angusaat agguaqatigiissillugu pitsaasup (C/7) aamma akunnattumik angusaqarnerup (D/4) akornanniippoq. Taamaattorli atuartut kingullermik soraarummeertoqarnerani assersuutigalugu tuluttut oqaluttariarsornermi angusaqarluarput, tassani agguaqatigiissillugu 11,45-mi inissisimavoq. Aamma inuiaqatigiilerinermi oqaluttariarsornermi angusaqarluarput (7,43) kiisalu suliniutinik suliaqarnermi (6,45). Atuarfimmi 10. klassereerlutik soraarummeertut amerlanerpaartaat ilinniarnermik sulinermilluunniit aallartitsipput.

Ataatsimut isigalugu Nuussuup Atuarfia pitsaasumik ataqatigiissumik atuartitsisarnermut tunngavissaqartutut oqaatigineqarsinnaavoq, ilinniartitsisut akornanni taaseraattoqannginnerunera pissutigalugu. Suliat kisiisa eqqarsaatigalugit atuarfik nuna tamakkerlugu agguaqatigiissitsinermit sanilliullugu inissisimamut ajunngilaq, pitsaasuuvorlu atuarfiup aqutsisuunit sulianik angusaqartarnerup pitsanngorsarneqarnissaa, pisariaqartinneqartoq, suliniutissatut tigusimammasuk. Peqatigitillugu atuarfiup initamigut avatangiisiisa pitsaanerulersinneqarnissaat assut iliuuseqarfigineqarpoq. Ilinniartitsisut piginnaasaasa atornissaannut annerusumik iliuuseqartoqarniarpoq kiisalu atuarfiup siunnersuisarfianiit siunnersuineq annertusitinneqassaaq, tamanna 10. klassertoqareernerani ilinniarfinni aallartittartut amerlanerulernissaanik kinguneqarnissaa neriuutigineqarpoq.



Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitallit

- Atuarfik pillugu Inatsisartut inatsississaattut siunnersuut nr. 15, 3. December 2012-imeersoq

Ilanngussaq

1. Atuarfik Ukaliusaq pillugu nakkutilliinermi nalunaarusiaq

Punkt 3: Meeqquerivimmi nutaami Maliup eqqaani meeraaqqerivimmi inissanik tulleriarineq

Beslutning

Inassuteqaat akuersissutigineqarpoq, suliarlu Aningaasaqarnermut Inuussutissarsiornermullu Ataatsimiititaliamut kiisalu Kommunalbestyrelsimut aaliangigassatut ingerlateqqinneqarluni.



Meeqqerivimmi nutaami Maliup eqqaani meeraaqqerivimmi inissanik tulleriiaarineq

Aalajangiiffigisassaq

SagsID.: EMN-2021-12569

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- Meeqqerivimmi nutaami Maliup eqqaani meeraaqqerivimmi inissanik tulleriiaarineq akuersissutigineqassasoq
- suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut akuersissutigisassanngorlugu ingerlateqqinneqassasoq

Suliassamik saqqummiussineq

Naluttarfiup Maliup eqqaani meeqqerivik nutaaq 2022-mi februaarip aallaqqaataani ammarnissaa naatsorsuutigineqarpoq.

Sanaartukkami meeqqeriviit pingasuunissaat, meeraaqqeriviillu pingasuunissaat pilersaarutaaqqaarsimavoq. Nutaaliaasumilli sanaartornermi aaqqiissutit allanngortinneqarsinnaapput, tassa ini meeqqerivik meeraaqqerivinngortinneqarsinnaavoq paarlattuanillu annertunngitsumik iliuuseqarluni.

Ingerlatsivimmit allannguuteqarsinnaalluni aaqqiissutit atorineqarnissaat kissaatigineqarpoq. Tamatumunnga Nuummi meeqqerivinnut inissaniit meeraaqqerivimmut inissamut utaqqisut allattorsimaffianut allattortinnikut amerlaneruneri pissutaavoq. Nalunaarsukkat kingullit 2021-mi septembarip aallaqqaataani meeraaqqerivimmut utaqqisut allattorsimaffianut meeqqat 165-it allatsissimasut takutippaat. Tassungalu sanilliullugu meeqqerivimmut utaqqisut allattorsimaffianiippat 22-it (meeqqat meeraaqqerivimmiittut meeqqerivimullu nuunnissaminnut ukiui naammatsissimasut minillugit).

Tamanna pillugu ingerlatsivimmit Maliup eqqaani meeqqerivik nutaaq aallartinnerani tallimanik meeraaqqerivilerluni ataatsimillu meeqqerivilerlugu aaqqinnissaa kissaatigineqarpoq. Matumani utaqqisut allattorsimaffianiittut sukkanerpaamik ikilisinnissaat pillugu. Meeqqat 12-it meeraaqqerivinniissinnaapput, tassa imaappoq utaqqisut allattorsimaffiat meeqqat 12-it tallimanik gangerlugit ikilisinneqarsinnaapput (meeraaqqerivimmi meeqqat 60-it).

Tamatuma kingorna ataavartumik meeraaqqeriviit marluk immikkut ittut meeqqerivinngortinneqaaqqissinnaapput, taamaalilluni meeqqerivik pilersaarutaaqqaartutut aaqqissuunneqarluni. Meeraaqqerivimmi meeqqat allartornerat ilutigalugu taamaaliortoqassaaq, taamaalilluni meeraaqqerivimmiit meeqqerivimmut ajornannginnerusumik ikaarsaartoqartassaaq.

Ingerlatsivimmit aningaasatigut sulisoqarnikkullu naliliinerit

Meeqqeriviit meeraaqqerivinngortinneqarneranni init allanngortinneqarnerat aningaasartuuteqarfiussasoq naatsorsuutigineqarpoq. Aningaasartuutissat maanna ilisimaneqanngillat, ingerlatsiviulli allannguutaasariaqartut, matumani nangilersuiffiit ilaneqarneri, wc-t mikinerit il.il, tamakkiisumik misissorlugit aallartippaa.



Aatsaat naammassilluinnalernerani NCD aningaasartuutissanut missiliuusiorsinnaavoq, kingornalu TB-t ingerlanneqarnerini Aningaasaqarnermut Inuusutissarsiornermullu Ataatsimiititamat akuersissutigisassanngorlugu ingerlateqqinneqassaaq.

Suliffeqarfimmut Kiffartuussivimmit aningaasatigut naliliineq

Suliaq akuersissutigineqassappat ininik meeqqeriviusunik meeraaqqerivinngortitsinermi aningaasartuutit amerlanerussappata matussutissanik Meeqqanut Atuarfeqarnermullu Ingerlatsivik ilassutitut aningaasaliissutinik qinnuteqassaaq. Tamanna erngertumik pissaaq, ingerlatsiviup aningaasartuuteqarnerunissaq paaseriarpagu.

Inatsisitigut tunngavissaq allakkallu tunngaviusumik uppersaatitalit

- Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-imeersoq
 - § 5. Kommunalbestyrelsip pisussaaffigaa qularnaassallugu meeqqanut suli atualinngitsunut tamanut pisariaqartunik amerlassusilinnik ulluunerani neqerooruteqarnissaq

Ilanngussat

Soqanngilaq.

Punkt 4: Oqaluuserisassanut tapiliusseq: 2022-mi politikikkut ataatsimiiffissat

Beslutning

Amerlanerussuteqartuniit inassuteqaat itigartitsissutigineqarpoq imatut oqaaseqaatitalerlugu: naliginnaasumik ataatsimiinerit pingasunngornermi marlunut ingerlatiinnarneqarnissaat ataatsimiititamit kissaatigineqarpoq.

Bilag

2022-mi politikikkut ataatsimiiffissatut siunnersuut siulleq

2022-mi politikikkut ataatsimiiffissat

Aalajangiiffigisassaq

SagsID.: EMN-2021-11031

Suliffeqarfimmut Kiffartuussivik - kommunaldirektøriugallartoq Marie Fleischer / MAFL

Inassuteqaat

Suliffeqarfimmut Kiffartuussiviup Meeqqanut Atuarfeqarnermullu Ataatsimiititamat

inassuteqaatigaa:

- ataatsimiititap 2022-mi ataatsimiiffissai akuerineqassasut

Suliassamik saqqummiussineq

Aqutsinermut inatsimmi § 8-mi allaqqavoq "Kommunalbestyrelse aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalackersuisut ilisimatinneqarnissaannut kommunalbestyrelse pisussaavoq."

Siunnersuutigineqarpoq, Meeqqanut Atuarfeqarnermullu Ataatsimiititaq sisamangornikkut ataatsimiittassasoq, aprili, aggusti aamma decembari minillugit taakkunani atasinnngornikkut pisassamat. 2022-mi nalinginnaasumik ataatsimiinnerit 8-t ingerlanneqassapput.

Politikkikkut ataatsimiiffissat taamatullu ataatsimiinnerni oqaluuserisassat imaqarnialillu kommunip nittartagaanut tamanut saqqummiunneqassapput. Politikikkut ataatsimiiffissat aamma kommunip allaffeqarfiata immikkoortortaani pissarsiarineqarsinnaassapput.

2022-mi politikikkut ataatsimiiffissat Naalackersuisunut nassiunneqassapput.

Ingerlatsiviup aningaasaqarnikkut sulisutigullu naliliinera

Politikkikkut ataatsimiinnerit missingersuutini taakkununnga aningaasaliissutigineqartuni aalajangersakkat malillugit ingerlanneqassapput, taakkununnga ilanngullugit angalanerit, akissarsiat, sulisunik atorfissaqartitsinerit ilaalu ilanngullugit.

Suliffeqarfimmut Kiffartuussivimmit oqaaseqaatit

Suliffeqarfimmut Kiffartuussivimmit oqaaseqaateqartitsisoqanngilaq, Suliffeqarfimmulli Kiffartuussivik ullut ataatsimiiffissat aalajangersarniarneqarnerini peqataatinneqarsimavoq, taamaalilluni naatsorsuutit missingersuutit akuersissutigineqarnissaannut il.il. taakku naleqqussarneqarniassammata.

Inatsisitigut tunngavissaq allakkallu tunngaviusumik uppersaatitalit

- o Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ilanngussat

1. 2022-mi politikikkut ataatsimiiffissatut siunnersuut siulleq

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 14:23.